

MALITASSAT

Timelærerit angalanissamut tapiissuteqartarfiata sulinngiffeqarluni angalanissamut tapeeriaasia 2025-mi atuuttusaaq.

IMAK-ip angalanissamut tapiissuteqartarnermut maleruaqqusai malillugit atorfillit, sulinngiffeqarlutik angalanissamut malittarisassat makku malillugit tapiissuteqarfigineqarsinnaapput:

- Sulinngiffeqarluni angalanermut, minnerpaamik ukiuni sisamani feriassanik katersisimasunut, atorfininnermiit naatsorsorlugu angalanissamut tapiissuteqartarfimmut qinnuteqartoqarsinnaavoq. Ukiuni siuliini taperneqarsimasut ukiut sisamat kingorna qinnuteqaqqissinnaapput.
- Sulinngiffeqarluni aningaasaateqarfiup isertitai aallaavigalugit Airgreenlandip Diskolinellu nittartagaani najukkamit Københavnimut utimullu, TAKUSS billetsip nalinga aallaavigalugu tapiissuteqartoqartassaaq. Siulersuisut nalilersuinerat aallaavigalugu angalanissamut tapiissut tunniunneqartassaaq.
- Timelærerinut angalanissamut tapiissut, aasaanerani atuannngiffeqartoqarnerani angalassutigineqartassaaq.
- Angalanissamut tapiissut aasaanerani sulinngiffeqarneq naatinngu ukioq taanna angalassutigineqassaaq.
- Tapiissut atorlugu angalaneq ilaqutariittut ataatsimoorluni angalaqatigiinnerussaaq.

Angalatitsiviit

Tapiissut atorlugu angalanissamut inniminnaiffigineqarsinnaasut tassaapput:

- Airgreenland, Grønlands Rejsebureau, Vejle Rejser, Travel by Heart, Tupilak Travel, Diskoline Taavani APS aamma Inuk Travel.
- Billetsit aningaasartaat tapiissutigineqartumit annertuneruppat, nikingassutaa nammineq akilerneqassaaq.
- Nittartakkakkut www.airgreenland.dk aqutigalugu aamma billetsinik pisisoqarsinnaavoq. Billetsit nittartakkakkut pisiarigaanni nammineq akilerneqaqqaassaaq, akiliutigisap aningaasartaa angalanissamullu pilersaarut IMAK-imut nassiunneqassapput, akiliutillu nalinga tapiissutip aningaasartaasa iluani utertinneqassapput.

- Sapinngisamik angalatitsiviit neqeroorutaat akikinnerit pisiarineqassapput.
- Nunatsinni angalanermi angalatisivikkut billetsisinermi tapiissutip aningaasartaasa iluini unnuisarfiit ilanngunneqarsinnaapput (pakkerejse).
- Kalaallit Nunaata iluani angalasoqarsinnaavoq.
- Kalaallit Nunaannit toqqaannartumik Danmarkimut aqqut toqqarneqarsinnaavoq.
- Fly´n sleep Nuummi unnuiniaraanni periarfissaavoq.
- Sumunnarfik Nunatta iluaniissinnaallunilu Københavnimuusinnaavoq toqqaannarluniluuniit Nunatsinnit sumunnarfigisamut.
- Tapiissut ataasiaannaq atorneqarsinnaavoq ataatsimullu akilernerqassalluni.

Tapiissut ukununga atorneqarsinnaanngilaq:

- Aasarsiortarfinnut, hotelleni unnuinernut, biilnik imaluunniit ingerlaqqinnermut aammalu nammineq angallammik benzinamik pisinermut.

Tapiissutip atorunnaarsinneqarnera:

- Tapiissummik pisinnaatitaaneq atorunnaassaaq, atorfilik IMAK-ip timelærererinit sulinngiffeqarluni aningaasaateqarfiata ileqqoreqqusaani pineqartunut ilaajunnaarsimappat
- Sulinngiffeqarluni angalanissamut tapiissummik pisinnaatitaaneq inummut qinnuteqartumut tunngavoq allamullu tunniunneqarsinnaanani. Tapiissut sulinngiffeqarluni angalanermut atunngitsuugaq aningaasanngortinneqarsinnaanngilaq.

Angalaqataasunut tunngasut:

- Sulinngiffeqarluni angalanermut tapiissummik pisinnaatitaasup inooqatigisaa/katisimasaa– aamma meeqqap 18-it inorlugit ukiullit pisinnaatitaapput.
- Meeraqaraanni efterskolerniartumik, Namminersorlutik Oqartussanit taperneqarsimasumik, efterskolerniartumut tapiissut atorunnaassaaq. Taamaattoqartillugu tapiissut allanngortinneqassammat IMAK-imut saaffiginnissutigineqassaaq.
- Inooqatigisaq ilanngullugu angalanissamut taperneqassappat, minnerpaamik ukioq ataaseq inuit allattorsimaffia malillugu najugaqatigineqarsimassaaq.
- Suliunnaarsinneqarsimagaanni angalanissamut tapiissut atuukkunnaassaaq.

Nuuk den 16. december 2023

Elna Heilmann

Siulittaasoq

Karen Karlsen	Kristianne Jeremiassen	Thomas Svendsen	Mathan Taunajik
Siulersuisuni	Siulersuisuni	Siulersuisuni	Siulersuisuni
ilaasortaq	ilaasortaq	ilaasortaq	ilaasortaq